

蒼生司命

蒼生司命



五

蒼生司命 目錄

經論總抄

四言舉要

內景圖 并解

風寒感冒

藥性

諸證

卷一 元集

中風 一

中氣 二

胃風 三

瘟疫 蝦蟆大頭四

斑疹 五

內傷 飲食七情六慾

卷二 元集

中暑 七

燥症 八

濕症 九

火症 十

鬱症 十一

痰症 十二

卷三 亨集

咳嗽 十三

哮喘 短氣十四

瘧症 十五

霍亂 十六

泄瀉 十七

痢症 十八

卷四 亨集

嘔吐 十九

膈噎 二十

飢逆 二十一

吞酸 二十二

嘈雜 二十三

痞滿 二十四

腫脹 二十五

鼓症 二十六

卷五 利集

積聚 二十七

虛損 二十八

眩暈 二十九

頭痛 三十

胃脘心痛 三十一  
腹痛 三十二

腰痛 三十三  
脇痛 三十四

背痛 三十五

卷六 利集

諸氣 三十六  
疝氣 三十七

脚氣 三十八  
痛風 三十九

痿症 四十  
麻木 四十一

目病 四十二

耳病 四十三

鼻病 四十四  
附喉閉

口病 四十五

齒病 四十六

卷七 貞集

血症 四十七

溺血 四十八

便血 四十九

汗症 五十

瘧症 五十一

厥症 五十二

癰癩 五十三

健忘怔忡驚悸 五十四

三消 五十五

二濁 五十六

夢遺精滑 五十七  
淋閉 五十八

秘結 五十九

卷八 貞集

黃疸 六十

痔漏 六十一

調經 六十二

崩漏 六十三

帶下 六十四

胎前 六十五

產後 六十六

五臟 六十七

六腑 六十八

蒼生司命目錄終

蒼生司命 卷三

花溪老人虞

搏天民韓

錢塘徐開先振公校

靜觀居士程

林雲來閱

海昌陳彛則子奇訂

咳嗽 十三

內經曰○秋傷於濕○冬必咳嗽○河間曰○咳謂無痰而有  
聲○肺氣傷而不清也○嗽謂無聲而有痰○脾濕動而生  
痰也○咳嗽謂有聲而有痰○蓋因傷於肺氣○動於脾濕○  
咳而爲嗽也○然嗽症不同○有風寒暑濕之邪傷肺而

嗽者。此外因也。必顯証於外。鼻塞聲重。惡寒是也。治法。因風寒嗽者。三拗湯加知母。脉浮大有熱。加黃芩。生姜。喘嗽遇冬則發。此寒包熱也。解表則熱自除。感冷則嗽者。膈上有痰。二陳湯加枳殼。黃芩。桔梗。蒼朮。麻黃。木通。生薑有火。鬱於肺而嗽者。有聲無痰。面赤是也。俗名爲乾咳嗽。難愈。治法。夏月火炎上最重。宜用芩連梔子。上半日嗽多。胃中有火。知母石膏降之。午後嗽多者。屬陰虛火盛。四物湯加知母。黃柏。麥冬。

五味黃昏嗽多者。火氣浮於肺。不宜用涼劑。五味五  
倍歛而降之。早晨嗽多者。胃中有食積。至此時火氣  
流入肺中。宜知母地骨降之。有濕痰嗽者。嗽動便有  
痰聲。痰出嗽止是也。治法用二陳湯加南星貝母竹  
瀝海石海粉青黛瓜蒌仁。痰因火動逆上作嗽者。先  
治火。宜芩連梔栢。後治痰。用前藥通用清氣化痰丸。  
有陰虛嗽者。其氣自下而上。多重於夜分是也。治宜  
四物合二陳順而下之。加炒梔栢尤佳。有勞嗽者。盜

汗出兼痰多作寒熱乾嗽聲啞痰中有血絲紅點是也。治法主補陰清金四物湯咳而痰中帶紅點者四物加知柏五味人參麥冬桑皮地骨皮陰虛勞嗽通用百部款冬紫苑百合沙參麥冬五味知柏芩芍生地內熱骨蒸加丹皮地骨皮又有肺脹嗽者動則喘氣急息重是也肺因火傷遂成鬱遏脹滿治主收斂用訶子爲君佐以海粉香附青黛杏仁之類咳嗽左不得眠者肝脹宜小柴胡加青皮白芍芎歸入嗽藥。

右不得眠者。肺脹。宜桔梗、瓜蒌、黃芩、甘草、少入青皮、白芍。以上二証皆難治。嗽而脇痛者。宜用青皮、疏肝氣。有因久嗽成肺癰、肺痿者。則雲門中府作痛。吐咯膿血、臭穢不可近是也。治癰用丹溪桔梗湯。治痿宜養血、養氣、養肺。清金用丹溪海藏紫苑散。知母、茯苓湯。大抵咳嗽有痰居多。故治嗽者當以治痰爲先。治痰者宜以順氣爲主。故以南星、半夏勝其痰而嗽自愈。枳殼、橘紅利其氣而痰飲自除。凡諸嗽者須分新

久用藥如肺虛受嗽加五味、欬冬、紫苑、兜鈴之類補之。若肺實有火邪者宜桑皮、花粉、片苓、杏仁、桔梗、枳壳之類瀉之。夏月嗽而發寒熱者謂之熱嗽。小柴胡加石膏、知母。冬月嗽而發寒熱者謂之寒嗽。小青龍加杏仁。凡嗽春是春升之氣。夏是火炎於上。秋是濕熱傷肺。冬是風寒從外來。用藥發散之後必以半夏等藥逐去其痰。庶不再作。又有感寒表未解。延入久嗽終必以解表而嗽愈也。

一傷風寒咳嗽。七日內必大嗽。七日後必生清痰。痰稠吐。出則嗽方愈。的係風寒。方可用三拗湯。加桔梗。紫蘇。

一產婦傷風咳嗽。治宜驅風散邪。帶表。四物湯。如風邪已盡。卽行大補。久久成勞。難治。

一勞嗽。上嗽下瀉。用嗽藥嗽止。則瀉甚。服香連丸。則瀉止。復嗽。肺與大腸爲表裏。此臟腑俱病。不可兼治者死。

一久嗽肉脫者用嗽藥多不効補中健脾則嗽止此  
虛則補其母以脾主肌肉病有本而標之之意也然  
病多不救經曰大肉已脫九候雖調尤死是也

一新嗽易愈久嗽難愈所以難愈者由病邪傳變而  
而入溪也

一陰虛火動發而爲喉痺音啞者不治

一嗽而大便泄者難治

一嗽而發熱不止難治

一肺癰作痛肺痿不痛痿甚而癰稍輕也俱難治

一傷寒有水結胸嗽者宜小青龍小半夏茯苓湯嗽

脉宜浮滑忌弦數細濇

關上脉微爲欬

肺脉微急爲欬而唾血

脉弦濇而欬爲少血

脉緊者爲肺寒

雙弦者寒

脉浮而緊者爲虛寒

脉浮而緩者傷風

脉細

者濕

脉數者熱

脉沉數爲實熱

脉弦爲水

偏弦爲飲

脉沉爲留飲

脉洪滑多痰

欬脉浮